

三松堂集

三松堂集卷六

始庚戌春
至庚戌冬

吳縣潘奕雋榕皋

以詩代柬訂芝巖立崖謹庭雲浦入山探梅

上元節後落燈時一事林間最繫思故里親朋今漸少

老年兄弟要相隨巡檐花信更番遞透鼻香風次第吹

肯讓鄰家聯雅集閉門只作憶梅詩

聞香洲東
畬已入山

登舟喜賦

放晴天與討春時一笑登舟慰夢思襍被最宜連夜發
輕裝只用兩童隨試看宿霧山腰盡不礙寒風客面吹
屏却笙歌拈秃管花神新歲要新詩

俞山人守拙善長導遊潭東遂至石壁

山頭今是十分時有友山居正我思飽飯登輿新雨霽
穿林側帽暖蜂隨眼明旭景微微罩心軟香風細細吹
看盡潭東更逾嶺紀遊石壁可無詩

與人以路遙
致辭故云

坐香雪海有懷畏堂兼示雲浦

輕陰閣日養花時小坐花前有所思美景最歡兩老共
勝遊未許一人隨山園平野團晴色袖惹飛英墮晚吹
緘札天涯宜次韻卷中要附子由詩

銅井道中有懷星橋少甫

舍人簪筆記同時水部風流我所思此日探梅成獨往

當年吟藥喜相隨丁未夏日余賦芍藥詩同省諸君皆有和作一枝遠道何

由寄三弄高樓莫放吹短札言懷兼索句小齋題壁少

新詩

范文正公伯夷頌卷

亮節西山孰比崇藍關雪擁仰孤忠平生憂樂關天下

一種高風異代同

數行遺墨寫清襟薇蕨齋鹽共此心長脚何人工誤國

漫從翰墨附知音卷有秦檜題詩曰韓范不可作此心誰與論檜未遇時人呼爲秦長脚

伊川佚老鬢如霜用東坡題郭熙畫詩句自注卷有潞公跋尾潞公字寬夫今按卷中朱印

宛然可識沈歸愚宗伯題爲程杜富高名日月光千載

巖廊慶遭際幾人能不愧遺芳

芝巖疊韻見答并訂白雲之遊六疊前韻酬之

身閒肯更負花時况復家山費夢思

余自甲辰入都不到西山已七載矣

烏榜衝煙鷗侶遠

芝巖與朱砥齋同遊

籃輿度嶺雁行隨

余與弟雲浦同

遊

三千首韻篇篇穩廿四番風續續吹準約春深還放

艇天平同賦聽泉詩

金二雅同年探梅鄧尉歸舟過訪次壁間韻見

投七疊前韻酬之

潞水揚舲憶往時廿年南北苦縈思身如寄耳官何有
君賦歸歟我亦隨嫩綠繁紅迎眼換墮茵飄溷任風吹

相逢共說清遊樂攝取春光入小詩

落花二首

等閒辭樹便成泥彩筆何心賦舊題真負天公施雨露
任教風伯判東西煙凝別院蜂聲杳香漬平臺蝶夢迷
一樣飄零輪柳絮化萍猶自匝清溪

太息韶華逝水流一年風信最牽愁憑闌獨立惟聽雨
埽徑人來不上樓剩有芳心塵未化已空結習袂還留
司勳莫悵尋春晚好傍濃陰放小舟

二雅和詩索畫余欲用畫博詩因戲寫梅題寄

八疊前韻

探春前後不同時幽韻清吟撩我思隔竹試看斜影好
開縑疑有暗香隨便磨新水臨池寫不怕狂飈入夜吹
貌得一枝聊寄遠更從詩老賺新詩

虎邱後山玉蘭盛開同人遊賞賦詩四章

靈根手植溯參寥

東畚謂余樹係宋時高僧所種

獨秀層阿閱幾朝春

暖香風柔卓午山空雲影蕩晴霄奇姿炫日天然麗老
榦橫煙分外嬌曲榭巡檐吟望久玉妃何意戀紛囂

歷盡繁華與寂寥遊人往往話南朝直憑佛力開香界
儼有神光護慶霄劫外仙心歸定靜花時春女鬪妖嬌
知君早識同塵意連襪摩肩未厭囂

琪葩往代詠寥寥勝蹟昇平艷市朝最好雕欄看四面
怪疑晴雪擁三霄淩霜溜雨經年思浴日搖風作意嬌
不少閒人來寄賞皎如何處著塵囂

歌吹聲中寄沈寥境幽偏引萬人朝常低淨眼看凡客
自展丹心向碧霄洗盡鉛華原富貴儘教紅紫逞天嬌
山僧未肯輕開鑰似識真僊欲避囂

山僧常以花時
扃戶索看花錢

躬厚堂後玉蘭爲先大父閒齋公手植久困湫

穢今年僅開數花地處喧雜難於護持余亦

將遷居與花相聚不久詩以寄惜再用前韻

勝事蕭齋近寂寥

向年花開大
父觴客於堂

瓊枝還向曲闌朝何人

封殖思先澤有客低徊望遠霄
而樹繞來甯免戀一花
著處儘含嬌知君頗亦懷吟侶
無計相攜避俗囂

遊畫禪寺贈呂峯上人

何事天台坐浮杯到畫禪

自天台歸吳

身心無住著香火有

因緣林古誰爲主

寺後師子林割爲民居屢易主今給諫黃雲居昆仲居之雲居與弟小華

觀察亦相繼謝世曰峰言林係倪高士爲寺僧某師所作今不能復故詩及之
松高不計年願
持堅定意長此奉金仙

樂圃修禊同張芝原彭尺木張東畬郭匏雅陸

謹庭錢梅溪

浮生住世間所遇無不可譬諸旅寓客百事豈由我慮

瘡物自捐甯復知瑣瑣良辰邀古歡幽討期竟果一鳥
鳴林端兩蝶集花朵未能與道融差喜與俗左

今日惠風和相過談在昔神仙與賢達翰墨留遺跡是
人今已亡存者亦糟粕糟粕不可磨偏視精奕奕想當
揮毫時意豈計工拙掩卷吾忘言白雲蕩空碧

是日獲
觀白紫

清真人朱文公蔡忠惠
王荆公董文敏諸墨跡

修禊古遺俗用以祓不祥不祥孰爲大先當祓其腸俗
腸旣已除可以進一觴同心六七人落落猶與狂清談
間新詠恍聽笙簫簧何當脫餘累汗漫從雲將

彼亦一是非此亦一是非千載更相詆是非究安歸達

人悟其旨四問四不知死生既可一得喪何所期却笑
誓墓者彭殤猶未齊惟應漆園叟可與和天倪

題畫梅

欺雪非矜艷橫煙最耐寒江南春萬樹未許熱人看

和東畬修禊韻

曲水傳杯繼舊遊今人直與古人儔名園密邇容頻過
勝侶招邀不待求翰墨有緣宜靜對詩篇寄興憚冥搜
不知同省聯吟友此日襟懷似我不

是日接到邱醒蘭
給諫李滄雲御史

書手

丈室

丈室蕭然耳目清
掩關深喜謝時名
讀書未肯輸前輩
縻爵真宜讓後生
字食仙規原不死
信沉雲雁向無情
睡魔乍退心兵靜
坐看鑪煙一縷縈

蔣香洲明府晚香圖

不怕西風不厭遲
冷香可許暖蜂知
先生獨笑秋光裏
杏艷桃夭又一時

別開三徑趁閒身
照眼繁英正斬新
好與桂蘭添氣韻

底須旄鉞助精神

劉賓客和令狐相公
菊花詩繁華照旄鉞

籬下商飈透袷寒
霜枝艷艷露漙漙
掇來細泛延齡酒
試比春花更耐看

金沙庵

余築生壙去庵半里

生壙西行憩小村過村山寺竹藏門藥鑪經卷憐僧病

嵐翠湖光樂我魂

詩聊樂我貝韓詩作聊樂我魂

新院石壇松漸長舊

題塵壁字全昏七年回首春明夢夢覺而今未可論

石湖訪范文穆公草堂故址

古寺新題認草堂草堂何處白雲涼空餘嫩綠抽楊柳

無復嫣紅放海棠

公有寄題石湖海棠詩

倦客逢山猶樣榜老僧

守閭慣焚香范村此去無多地雲樹煙波共渺茫

去石湖里

許有范村相傳因公別墅得名

謁范文正公祠

慶厯聖德追黃軒一夔一卨扶乾坤先憂後樂公願存
距脫奸黨羣竄奔浮雲黷黷旭日暉惜哉萋斐噴有言
遭時遇主仍適屯孤臣何處酬君恩春風故里花草繁
千秋奉祠雲仍孫我來書院由禮門義路禮門
祠旁額也巡廊肅
拜不敢喧愧乏牲醴羞縈蓀荒唐古木蟠靈根五株一
本弟與昆之而拏攫雷霆痕出門日落衢路昏風生煙
樹鴉飛翻

留蜂

羅雀閒門靜比禪暖蜂來與助暄妍聲穿嫩綠喧春午
陣入落紅團霽煙問舍嗤余無半畝安房爲爾定三遷

老夫不惜軒前地愛聽排衙省晝眠

蔣氏有僕薛某嗜好與他僕異年七十餘解吟

詩好書畫自號商山子繪獨立小像簡齋令

尹立崖刺史皆有題詠席間乞詩爲賦四韻

我愛商山子長鬚意灑然埽空凡見解誦得好詩篇詢簡齋所贈詩背誦不遺一字

此日知無偶他時或可傳惟應蕭茂挺翰

墨有前緣

立夏前二日香洲立崖招飲復園

賞春排日趁閒身春去垂垂倍惜春開徑恰逢頤老會
飛箋更召不羈人風迴紫絡藤花放煙染紅欄柳色勻

選勝追歡渾未厭再遊吾擬撰良辰

亭臺疏密位天然觴詠何妨屏管絃共笑浮生忙傀儡

最難清福有林泉就筵慶禮榮多馬

是日投壺香洲最勝擊鉢吟

章報警聯雅集正宜煩妙手明朝圖記一城傳

題畫梅爲郭匏雅

汨汨紅塵感歲華閒身肯更負梅花問君香雪幽人館
何似西湖處士家

費家河頭雪霽時河豚橋外香風吹春光報答將何物
一樹花酬一首詩

湖光山色滿簾鉤人與梅花共一樓丙舍墓田餘地在

結隣也擬築菟裘

唐秋濤騎驢雪棧圖

蜀山如畫畫如詩詩客騎驢寒不知花氣一隄人兩漿
笑他柔脆是吳兒

高寒人與境雙清絕磴凌空逸氣橫忽憶簪毫隨豹

尾萬山風雪度長城

長城嶺爲自京往五臺山最險處
余丙午三月扈

此絕磴盤空下臨無
地與圖中景絕相似

芝巖見寄白雪泉詩依韻奉酬

暫辭清禁叩禪關精舍依然杳靄間想得吟成茶正
熟半窗晴翠落孱顏

出處頻年費忖量最難同志有求羊雲泉自是君家味

不到山中不許嘗

白雲精舍爲芝巖祖塋賜山

疊韻傳箋又半年華顛並退豈非天秋山說比春山好

待與幽人結靜緣

芝巖以余訂同遊未果爲悵故再期之

老矣

百不如人壯自知祇今老矣更何爲狡輪兔不營三窟

拙比鳩難得一枝

時謀遷居未定

苒苒年華餘短鬢悠悠塵事

付深卮虛堂獨坐拈枯管醉墨淋漓半似癡

嚴豹人六經注我圖

五館潮溝彼一時微言服鄭少人知孝源家世傳經術

肯使元珠赤水遺

試披新卷誦遺文絕學誰能爾許勤悟得六經都注我

玉杯金鎖總紛紜

君新著春秋古注輯存搜羅甚富

蔣香洲藤谿小築圖

幽人脫綬耽雲山卜築生壙開松關已空夢幻泡影旨
宜置札舂嬰僑間花氣三春浮杳靄煙波一徑曲圍環
佳時引客應酌我放艇相期數往還

河東君像

掃除塵夢賦高唐巢幕君臣半色荒贏得藝林傳艷事
新詩百韻墨花香

堂開半野坐飛觥半壁江山鼙鼓驚却笑高人顧云美
爲傳遺事署門生

二臣史筆論難磨芝麓同時倡和多一樣依人能不朽
較量福命遜橫波

早拌共命絳雲樓一翦金刀第二籌畢竟身爲知己死
媿他妄想卜金甌

觀海圖爲澹庵族叔題

瀛杯嶽豆想心胷百尺樓環萬樹松試問浮天無岸水

何如插漢出雲峰

叔家于歙去黃山最近故云

方丈蓬壺望裏遙元虛賦手亦寥寥琴心三疊移情處

知有成連水上招

袁廣文穀芳雪灘鴻影圖

宣城詩老鬢如霜不見銜鱸集講堂寂寞江天葭菼裏
鴻聲嘹唳雪灘涼

三高祠下水雲孤寥廓雪鴻不可呼
苜蓿一盤官耐冷
況兼鄉味有莼鱸

鴻飛無影爪留泥俯仰人間跡總迷
他日思君夢何處
垂虹亭北太湖西

喜晤宋奕巖觀察

蒲魚梧鳳判飛沉聚散頻年感不禁
海國眼穿無雁字

掖垣指屈幾朋簪怕談往事牽殘夢但看新詩識此心
且撥閒愁期作達中年光景正駸駸

題何夢華林外得碑圖

夢華錢塘人名元錫於孔林牆外尋得漢永壽

元年孔君碣黃小松司馬爲作圖

黃九得碑圖十二

小松昔年過蘇攜示得碑十二圖屬題

夢華亦寫得碑

圖千秋愛古獲同調嗜好真與時人殊

永壽涪灘紀二年觴觚雷洗企前賢何當乞我元年木

更結蕭齋翰墨緣

余未獲元年碣故云

撫琴圖

擊汰何緣見子春青銅碧海淨無塵昭文悟得成虧旨

袖手知音正有人

同年夏水部璇源過訪賦贈時夏歸營葬

風清絕塞兩郎官粉署重瞻振羽翰

君與漑餘郎中同出塞今同起復還

朝有客歸田能寂寞幾人得路最平安身閒只媿

君恩負宦退方知家食難馬鬣明年成若斧扶搖佇爾

一朝搏

五月菊和韻

冷香暑月故相親角黍籬間餉比隣

王梅溪譜十香開以菊爲冷香

徑最嫌逢熱客泛蒲恰喜對高人疏迎梅雨枝偏瘦淡

泥薰風色轉新探借重陽作重午落英先擬薦靈均

東畬同年爲余畫水雲圖并系以詩次韻奉酬
行到水窮坐看雲我昔心契摩詰言雲中鸞鶴不可繼
水邊鷗鷺難爲羣誰向洄溪招退叟更鑿窰石當雷尊
蒼狗白衣看變幻衝煙掬月弄潺湲雲英化水水霽雲
幽人獨往心常欣滌煩澡性可王神寄聲知音惟有君
新秋雨霽齊女門草堂三間傍漁村拏舟訪君畫裏去
一聲欸乃天無痕

匏雅餉沉香賦謝

金微犀柄兩脩然繡佛龕中看篆煙只擬聽松焚鵲尾
敢希伴月熱龍涎君文享是真無忝我病薰之冀少痊

三才集 卷二
約束樵青頻貯火垂簾細誦紫霞篇

同袁月渚鍊師招范芝巖編修遊上真觀過甯
邦寺

相邀靜侶宿雲煙爲望籃輿佇嶺前絕頂秋清瓊玉宇
半空香藹蔚藍天到來福地無凡想脫盡塵根卽散仙
欲訪琴聰更逾塢共題石壁豈非緣

同袁月渚過芝巖山莊

一鳥秋空破曉煙里名梨帶指山前共爲浮世偷閒客
重款幽居小洞天瀟灑衣冠塵外侶風流王謝古時仙
相逢莫惜匆匆別更結春來翰墨緣

訂明春探梅爲
十日留故云

省齋鍊師留余信宿山房賦此留別兼柬秋林

山人月池兄

公遠鍾吾傑蕭然出世姿有樓堪讀畫無弟不能詩幽
討懷微尙尋真愜素期重來約琴友消息問南枝

秋林月池

曾約同遊未果故重訂之

竹泉鍊師採芝圖

空山息萬慮坐看白雲生壇樹忽移影澗泉長有聲高
情憐獨鶴幽想厭華纓尙憶甯邦鵬相期采藥行

舟泊維亭口占

十年陳迹客重經雙鬢慚非舊日青柔艣一枝書一卷

冷風斜雨泊維亭

余己亥掌教玉峯頻往返於此辛丑以後遂不復至

流慶堂示顧氏表甥

國甯

尙憶懸弧日飛騰十一年納楹書肯讀操几禮無愆似
舅慚吾老揚親賴汝賢丹山程不遠刷羽上雲煙

重陽後一日舟泊玉峯山下拉搗齋比部補登

高用少陵藍田莊韻

秋高雲盡覺天寬勝侶招邀一笑歡借問青山狂落帽
何如華髮慶彈冠杯餘竹葉身還健席綴茱萸候未寒
蕙帶金章俱是夢與君淨眼試同看

徐孝廉

嵩

芙蓉湖上讀書圖

一水一石堪優游人生誤計辭林邱春蠶作繭魚中鉤
窮達有命豈汝由窗間聞聲喚歸休毛銖山崖默自籌
歸來鬚鬢霜雪稠草堂欲築工難鳩杜門面壁同拘囚
有書不讀真可羞羨君別館林木幽插架好書逾鄴侯
門前湖水如潑油漁莊耕舍對荻洲春朝夏夕可寫憂
知君有願亦未酬方將執筆翔螭頭鄉園縱好甯淹
留期君宦成退急流扁舟湖上來相求

袁謝湖墨梅卷爲袁綬階題

討春歲歲過潭東最愛寒香最怕風羨煞謝湖才調美
一枝秃管奪天工

高枝橫放亞枝斜看是香雲不是花
籬落水邊春自滿有誰作此淡生涯

合浦珠還賴後賢藝林珍重比逃禪
墨光騰耀花光動歇絕風流二百年

開縑字字帶餘馨想見揮毫筆不停
手澤有人能濟美新詞重和柳梢青

畏堂弟書至得大姪女凶問詩以哭之末章唱
弟勉以觀空并慰姪女冀其往生無累焉

聽雁常嗟契闊多掌珠忽墮慟如何
關心薄宦同羈旅屈指前塵付剎那
巫覡人圖醉酒扁倉司命毒操戈

可憐風雨金臺夜對泣椿萱鬢欲皤

無女親吾不異女非男慰父實如男儉勤羅綺情偏淡
聰慧琴書味頗諳送別最憐神惘惘退朝猶記話誦誦
余京師寓齋與弟對卷數日間內子輒遣車迎
姪女至寓戊申十月余告歸姪女送我于屏從今絲
竹真當廢哀樂中年百不堪

金鑾往事愴悲懷

余女七歲而殤

如汝成人更可哀南國詠桃

虛迨吉

姪女定於明
秋于歸武陵

謝庭吟絮復誰才他年密驛期歸

葬隔世非熊冀再來

顧況子再生
爲顧非熊

最是返魂猶戀母如

煙入抱痛心摧

痛定還將物理推歸花別葉總同萎百餘歲後終無我

二十年前問是誰莫更思鄉嗟道遠免教入夢使親悲
往生非妄須堅定一念彌陀好自持

嚴雨峰白雲出岫圖

人生趣舍欣于遇笑指閒雲愜素襟含雨不妨來戀岫
出山還喜去爲霖氣通川澤蒸遙浦潤及焦枯蔭密林
識得流行無滯意友風舒卷更何心

題徐意田詩後

耆舊嗟淪逝山中詩失傳今君栖木瀆有句敵青蓮起
閣延雲岫開軒面稻田何當攜筇笠來泊泛湖船

時將作包

山之游

袁氏六俊三英圖

東吳盛英賢汝南推望族迢迢溯漢唐歷歷緬遐躅逮
明嘉隆間一門蘭芷馥六俊振芳徽三英踵相續如金
美爲盪比玉雙成珎出處轍不齊潔身同一輻抱道遺
紫朱娛情寄松菊豈無濟物心善刀恥自鬻亦或貝錦
傷藪藪陋方穀達人葆天真考槃矢弗告有得神乃恬
無營樂自足展卷企高風予懷澹修竹

三松堂集卷七

始庚戌冬
至辛亥春

吳縣潘奕雋榕皋

東畚同年築樓于堂之東偏顏之曰話雨繪圖

作詩屬余繼聲因次原韻

匡居謝塵累愛誦淵明詩卜宅企南村素心勞我思
性寡所諧落落新知稀故人巴東歸北郭甘幽栖謬託
膠漆契恒嗟晨夕違出門間所之舍君更向誰小樓近
新築疎豁延斜暉可滌耳目煩可息筋力疲簷梧流月
影窗竹搖風枝閒身便過訪中歲非衰遲落成待招余
相對傾一卮毋爲感離索風雨吟淒其

王孟端墨竹

爲袁文理寫時
袁之任湘潭

湖州文與道人梅墨戲誰能擅後來尺幅天球珍藝圃
一枝可是報簫材

欲將別思寄瀟湘寫出蒼筤月影長千里一官輿誦杳
清風寥落楚雲涼

屈子祠前落日遲輜軒曾譜竹枝詞愧無前輩風流筆
貌取檀欒碧玉姿

夜雪和奕巖韻

夜簾初沉宿酒醒擁衾傾耳灑松聲和思郢曲慚新句
遊憶梁園愴故情堆院無聞疑屋重曜窗如曉誤雞鳴

火城記否天街靜策試深深正五更

雪勢未已鍾吾道士餉酒獨酌獨吟復用前韻
紙窗僵臥夢微醒忽聽簷間折竹聲刻玉鏤瓊詞客想
殺蟲滋麥老農情缸依寒牖熒無燄鶴戀危巢噤不鳴
恰喜仙家餉仙釀拌浮深琰坐深更

題自寫梅蘭

律轉星回晝漏長暖風晴日滿書堂梅花索笑蘭心展
併作階前百和香

偕張東畬登彌羅寶閣

傑閣聳晴煙憑闌意廓然春光開萬井人籟靜諸天閒

愜消搖慮勤思締構年黃冠如許戴長願奉金仙

牧牛圖

慕貴希鳴騶求仙羨控鶴何如多牛翁無榮亦無辱奢
或啖其心富或量以谷何如抱犢子無營亦無欲却笑
南山歌扣角自局促况無乘田任奚事憂芻牧鐵牛鼻
可穿白牛肥不疲揮手謝嗇夫考槃矢弗告

石湖煙靄圖爲盛竹軒題

東風昨夜來吹散林間霧遙知行春橋縱目可散步何
爲坐失時守案窮朝暮有客蕭齋過引我山行趣煙明
新郭船雲羃郊臺樹嵐光似黛濃波影如練素頓使採

幽心飛過橫塘路掩卷理行牋榜人候官渡

憶梅

昨日花朝過今晨社雨來綠添三徑草香憶去年梅春
老寒方勁年增興未衰山僧新有札初報二分開

匏雅招同香巖奕巖入山探梅余未及赴風雨

連宵用去歲詩字韻却寄

山僧曾訂看花時花晚春深耐客思

去歲正月盡梅盛開今則已過社矣

屐齒穿雲情自遠渡頭載酒懶相隨旋聽冷雨初收點
只恐東風却倒吹莫笑小齋幽興減嗅香重和去年詩
蘋洲訂探梅期視陰晴以定行止連日風雨不

已以詩奉柬

東風知客懶不放十分春側想銅坑路頻愆蠟展辰宿
煙沉曉岫積雨暗雲津寄語澂江守梅花欲避人

聽泉圖

早聲好鳥午聲蟬別有清音石上泉不用樵青抱焦尾
故知真賞在無絃

樹影溪光繞石牀蒼雲忽墮袷衣涼春風記得天平坐
日校塵中一倍長

雨霽偕雲浦二梧紅珊熙堂諸弟上冢

上冢乘新霽衝煙倚短篷驛亭搖柳綠村寺散桃紅入

世羣緣擾看山萬慮空扁舟諸弟共情話昔年同

雨止入山梅花正放疊用前韻

雨霽山行正及時花如相待慰相思天開石壁風光好
人坐籃輿香氣隨自要一尊移席賞任教短笛倚樓吹
小溪選勝先安硯知我微吟定有詩

舟泊河豚橋晨步花間及午遍遊潭東石壁諸
勝歸坐司徒廟下遂至日夕得詩三首

磴上人家尚掩門惜花先起步山村雲屯嶺脚微香斂
日上枝頭濃露繁過鴈客稀泉自響度溪風細霧無痕
相期飯罷支筇去僅約添教挈酒尊

最好籃輿緩緩行
菖蒲潭去是銅甌
日高天井蜂初暖

風定石牀雲不生
穿徑亞枝妨岸幘
依岡雜坐醉飛觥

斜陽肯放匆匆棹
難得湖天正老晴

吳語謂堅晴爲老晴

徙倚宮前更社前

司徒廟爲柏園社社前行宮輕爲聖駕南巡小憩之地

輕

陰漠漠水濺濺
漸欣衫影筇聲杳
但見湖光雲氣連
千

樹繞來吟白雪
一枝攀處散寒煙
老僧莫怪成癡坐
要

看銀蟾浸玉田

田家詩

春風吹晴渌桃李
盈前陂時雨貫溝塍
負耒循東菑土膏
旣已動播種宜及時
穠蔭苟不勤草蔓日
以滋服用

望秋穫禾黍豈吾欺上以足官倉下以供吾私黽勉飭
子孫勿忘先世遺治遊易墮業莫羨鄰家兒

世守有敝廬門臨大湖口種樹已成行養魚復盈畝湖
南菱可采湖北蓮可剖夏畦亦孔瘁所得實非苟鄰翁
偶相過雜坐酌升斗高談說古今十或誤八九野人無
拘忌稱意斷可否日落水風生涼蟾挂榆柳

西風蕩林氛屋角實懸棗秋成萬寶登甯復憂旱澇杖
藜步東皋黃茂紛被道輸稅計有餘一飽可以保築場
走村翁喜氣溢鄰媼諺言卽農書霜降一齊倒

寒露無
青稻霜

降一齊倒
吳中諺也

農閒可墮戶就日依南榮禦寒雖無資深冬喜暖晴牀
添新稻草困積新香杭場蔬供旨蓄饗盜亦已盈少婦
勤機杼札札燈前聲凍餒非所虞外此心何營官租況
早納高枕心神甯濁醪聊引滿觴盡壺更傾頽然一榻
上鼻息同雷鳴

香洲明府餉龍井茶女兒香受香返茶用黃山
谷酬錢穆父贈扇及謝黃司業寄惠泉詩韻
卽倣其體二首奉謝

金盃密繖桃花紙拜賜沈榆百朋似敢嫌脂粉襲深閨
意可香初名宜愛以美人得名山
谷嫌其名有脂粉氣易以意可
消受祇應佛弟子閉

門謝客避春寒寒盡探春銅井山歸來埽地坐垂簾恍
如重到梅花間

談元仙吏倦揮塵課夜諸孫勤讀書正須急火煎蟹眼
聽背六經累貫珠龍泓雨過擷雲腴顧渚日鑄都不如
灌頂明朝來共飲夢爲胡蝶遊西湖

張憶孃簪花圖爲繡谷主人題

霧鬢星眸耀錦茵生綃尺幅現全身花開繡谷春常好
不見當時度曲人

好花香浥露華清簪向雲鬢倍有情吹氣與花渾不辨
背人誰許喚卿卿

交翠堂前履跡存春風疑有美人魂我來香徑憑闌久
何處叢留一捻痕

巫峽雲飛夢不長虛傳好事有田郎百年墨客同憔悴
重與殷勤賦國香

空傳墨客殷勤句高子勉爲黃山谷詠荊州女子國香詩句也

睡起

閒身真與枕相宜睡起疎簾日影遲葉密鵲鳩爭灌木
水深魴鯉樂清池虛名何物羣情驚造化無私一我衰
粘壁曳泥思爛熟故人文免北山移

春日偕郭匏雅學正陸謹庭孝廉宋香巖刺史
奕巖觀察遊師子林感懷黃斗槎小華兄弟

良朋寂寞名園在宦退同年偕客來白日昭昭春蕩蕩
繁花猶自向人開

俯仰前塵各惘然華顛耐久豈非天

余與謹庭鮑雅交垂卅年矣巖廿年

香巖八年矣

輸他無悶閒男女暖婉嬉春正少年

詩婉婉說文作暖婉

注暖目相戲也

三月十六日芝巖邀遊西山信宿白雲精舍得

詩八首

雨中登舟

三月春之暮西津路不遙能忘隔歲約況有好詩邀煙
柳搖新翠雲岑失遠椒平生幽興劇小雨肯停橈

三松堂集

卷七

支硎古剎

春纜沙頭繫，篋輿剎外停。
支公餘古蹟，放鶴但空亭。
山讓高僧占，泉宜幽耳聽。
平橋堪小憩，何礙雨微零。

寒山別墅

綠雲樓上坐，高下樹冥濛。
爲賦考槃什，因懷肥遯風。
林巒千古擅，翰墨一家工。
別蘚看題壁，長天響遠鴻。

千尺雪

修白界高青，閒來倚竹櫺。
未將琴與寫，最喜雪堪聽。
濯許塵纓淨，看教醉眼醒。
輸他谷汲者，漱飲得延齡。

法螺

曲徑循幽磴盤紆到法螺長廊飛瀑響小閣溼雲多客
自攜杯勺吾方戀薜蘿何年脫俗網頤性結吟窩

呪鉢庵

庵有繙經臺來燕
榭寤言堂諸勝

溼翠團僧舍軒窗迴絕塵山如迎止客雨欲禁遊人隔
院經聲靜依闌燕語新寤言還寤宿對榻是前因

宛轉橋

紅闌低綠水宛轉接雲房卓午春人集新晴寺衲忙日
斜添樹影隄迴有衣香底事西湖憶家山興儘長
西湖未
果故云

白雲泉

三才集 卷一
雲氣包林麓泉聲滴古今在山原不濁出岫亦無心自
給僧厨供因知禪味深石闌閒共啜聊欲滌煩襟

信宿天平山留贈芝巖休野當如諸子

冒雨春游竟得晴西山勝景在太平雲泉自愜來思願
士女猶深仰止情蘚徑磴長神道古松林亭敞

御書榮寤言堂後峰開霽閣上明朝坐聽鶯

閣名

少參別業在山前遺構依然傍墓田樹石至今珍子姓
林亭當日仰神仙勝游暇許聯吟侶餘慶芬留繼起賢
不是主人情爛漫松軒容易儘流連

范研泉山居小飲

水漲平橋竹徑新蕭疎中有出塵人因徵四十年前事
不是三千界裏身小圃花開能飲客賜山路近好遊春
買園真擬捻書賣可許帷林來結鄰

是日遊明瑟園園求售未有主帷林

園額竹垞先生書也

白雲精舍爲先君子春游憩息之所今老僧德賢亦已下世俯仰今昔感而成詠

虛堂列岫碧千層不見當時黃面僧徑石自延新蠟屐
池魚應憶舊行牕濃花穉柳依茶竈溼雨流雲暗佛燈
一榻兼山猶故處倦游聊欲曲吾肱

吳南昀新授歙令詩以馳賀

詩吟紅藥擅才名策射

彤廷壓眾英

君殿試卷進呈

十載

小山輕獨坐一官南國貴專城班春深渡晴波暖按部
雄村愛日明撫字卽今期卓行祝君從此建牙旌

月選單排吏等衙懶迴倦眼看麻茶故人忽喜飛雙舄
同輩猶思判五花半世功名吾鑄鐵廿年聚散子搏沙
匡時報國須方壯肯向滄波老釣車

天涯客鬢冷飄蕭引領聽頒訓俗條江上紅旗初颺彩
里中五袴早傳謠鳴琴好對仙人掌聯袂能忘金水橋
他日青鞵尋舊侶更燒官燭話深宵

約略前塵記不全江雲淮月薊門煙病驢那復思千里

游刃何妨試小鮮，逝歲堂堂同一慨。諸公衮衮讓三遷，
誠知棲鳳條非易，早晚高車賜潁川。

白雲精舍贈松亭上人

松亭非俗士，性靜愛雲泉。散盡千金產，來參一指禪。
飛花浮鉢水，細雨溼茶煙。我亦離塵塊，閒思結淨緣。

東畚訂遊西湖，余未及往。東畚歸作畫題詩見
調次韻答之

西湖風景與年新，湖上桃花苦憶人。羨煞扁舟能獨往，
墨池收得六橋春。

布韞青鞵發興新，白雲却笑遠遊人。笑君一語君難解，

是否蘇杭兩樣春

尺幅湖光照眼新
稽留愧我倦游人
明年待放臨平棹
共賞蘇隄爛漫春

林遠峰招集繡谷餞春

今歲非閏歲頗怪春來遲
來遲去何速欲去方依依
遠峰澹蕩人搗藻與春馳
折柬水芝邀選勝繡谷期
謂此日可惜殷勤酬一卮
拌傾酒人酒來聽詩翁詩
詩翁果不拒瀟灑開軒墀
同調四五人磊落皆奇姿
委懷步林壑高唱駢珠璣
興來忘主賓觴到甯復辭
是日晚放晴和風吹袷衣
堂前新綠藹堂後餘花飛
蜂蝶戀故枝似

惜紅已稀好鳥亦迎人
恰恰林間啼低徊物之情流轉
天之機相期飲酩酊不覺春逶迤
逶迤春已去屈指重
來時明年春自好今日春難持
春去不我別我餞春豈
知我本非詩人逢春聊自嬉
勸君且引滿亦莫耽苦思
苦思琢肝腎催白鬢邊絲

立夏後一日山塘泛舟

樹暗生公石雲深

萬歲樓花殘人漸少
春去我來遊新月生前
渚明妝隱暮舟桐橋歸
路晚四月尙披裘

蔣謙齋餉山漆湘蓮

上藥稱延壽仙芝紀補中病思乞鹿脯珍喜致筠籠入市求非易分甘置許通拜嘗康子惠賦媿簡文工湖目湘江上南丹百粵東圓勺攜貝闕糾結出夷峒採擷房初綻含茹液漸融水應汲玉井方擬問龍宮益血陰能助安神氣自充參名甯有忝建產未堪同配佐扶兒弱留賓御婦窮辨形殊茭白論品壓菱紅定去心中苦兼收意外功貴知金不換本認蓍成叢

本草山漆一名金不換說文蓍茭葉

本似漆徵投契相憐荷始終貽瓊慚報缺濡翰著銘衷

唐李巨山詠物甚富皆典麗工整爲後世楷則

雨窗無事因倣其體得十二首

風

飄忽上簷楹青蘋涼意生爽開依幙靄暖送賣花聲破
浪雄非昔淩虛馭欲行襟披沖可挹那有不平鳴

花

一樹明晴旭千株拂曙霞防他春夜雨看到野人家鎖
院香生筆宮垣色映麻風前慚鬢改依舊帽簷斜

雪

素影侵書幌寒輝上月臺鉤簾宜獨賞埽徑有誰來潔
助孤山鶴香生鄧尉梅晨朝晴放棹粉本畫圖開

月

良夜思悠悠金波入畫樓從來閒客少未許片雲留春
院花明席秋江露滿洲賦成搔白首不獨念應劉

水

浩浩源頭活溶溶穀影長花溪烘日暖柳岸助風涼舟
楫材非任江湖興未忘孤蓬葭莢裏高枕聽鳴榔

香

小閣清無客鑪香細細添瓶花纔墮几梅雨正飄檐簪
潤衣偏惹心閒夢亦甜蒲團舒淨眼縈裊半依簾

燈

髮白成今我燈青似往年冷依殘夢影暗觸舊塵緣雨

滴初寒夜蟲吟欲曙天遙憐待漏者正憶對牀眠

酒

掩卷嫌孤寂迎涼進一卮風情檀板在心事菊花知兀
兀遺諸相騰騰暖四肢勞生愁萬緒除酒更無醫

書

蔡邕今不作筆法更誰師篆隸如規矩真行別正奇蕭
齋營十笏兔管禿千枝莫費臨池力家雞厭小兒

畫

裴几墨香橫溪藤照眼明直須師造化可以送浮生好
鳥知人意青山不世情憑軒槃礴羸畫史或傳名

琴

獨坐理瑤琴枯桐古意深清風來北戶涼月吐遙岑漁
唱閒中適山居靜裏吟子春嗟已遠海上想遺音

碁

一院梧陰碧簾疏隔市塵聊停戶外屨來訪橘中人得
失神無累乘除局轉新宣城憑賭取柯爛有閒身

歸田以來京華舊侶音問稀疏張桐谷兄榮擢
比部闕于馳賀夏窗閒坐感念舊遊因成長
句聊寄鄙懷不自知其詞之拙也

上夜同聽玉漏長分司獨坐白雲涼故人從此官應貴

倦客而今鬢已蒼
午枕默慚逃暑適
晚衙遙憶慮囚忙
天邊鴻影江邊鯉
盼望秋來字數行

雨窗卽事

一雨又連朝
吟情愛寂寥
閒花飄躑躅
急響聽芭蕉
珠柱絃方潤
香篝火未銷
高車同省客
此刻正鳴鑣

去年張瘦銅卒于燕
今春孔谷園逝于魯
孔有

玉虹樓墨刻張有竹葉庵詩集閒窗檢閱慨

焉成詠

去夏瘦銅京邸逝
今春曲阜谷園亡
玉虹樓下新音渺

孔好音樂玉虹樓帖甚傳于時

四雨莊頭宿草荒

四雨莊爲張氏舊居張著竹葉庵詩集詩

三松堂集 卷一
中嘗念 虛有聲名傳翰墨在勞精力撰篇章此身長短
及之 均如夢夢裏何堪著意忙

題自然僧像

菩提明鏡原無有枯木寒崖悟未能識得自然真自在
在家僧勝出家僧

夢遊郊外至一園亭修篁古松軒几幽靚得詩
一首醒後憶之僅遺數字因足成錄而識之
別業臨青甸修篁夾綠渠春生雨霽後客止燕來初計
晚滋香草論車收祕書元亭甘寂寂題柱陋相如

雨窗偶書

春半寒猶劇年衰鬢已蒼閉門人事簡高枕雨聲長徑
竹穿泥茁瓶花墮几香客心齊得喪不用問行藏

宿白雲精舍

春遊每獨往雲臥喜尋僧不見壽長老空懷范致能懸

泉流古穴絕壁掛新藤羣動此俱息一龕熒佛燈

白樂天有

詩云天平山上白雲泉雲自無心水自閒世皆以爲此泉卽香山所詠而范文穆公詩集有題天平壽老方丈詩云二十三年再入山此山於我有前緣時人不用憐衰病天與丹房一線泉自註云壽老近于半山石壁之中得泉眼如筋清泉如一線涓涓而出大旱不減欲爲余作小庵于泉傍以鍊丹據此則此泉當是壽老始得抑或唐後湮沒至壽老而復顯耶然此泉之曾爲文穆所有此地之爲壽老卓錫舊處則無疑矣

王鶴書遺照

雲鶴依長松不受塵網械幽人栖邱樊坐覺庭宇隘尺
幅寫曠懷聊用寄一快古來賢達士不遇老巖若至今
生水灣誰弔方三拜藻質旣杳冥濤聲尙澎湃我懷松
筠堂攬卷發長喟

朱敬亭乘槎圖

方丈蓬壺路渺漫人間鳥道劇千盤知君自有淩虛想
欲采珊瑚作釣竿

飄然一葉入空明指點虛無是去程攜得支機宜自葆
不須市上訪君平

石湖春遊詞

雙橋櫂轉是橫塘一塔船頭指上方蘸水搖風楊柳綠
接天夾岸菜花黃

春月橋邊水拍天范公祠畔柳含煙朝來一陣開門雨

吳語以晨雨爲開門雨無妨晴也

洗得嵐光分外妍

春遊最好是春陰金粟山門蒼荀林曲磴弓鞦渾不怯
上樓虔禮石觀音

漁唱悠然出遠汀酒香花氣上湖亭何當小築來新郭

日日煙波醉醺醺

近湖一帶居民以釀酒爲業

海潮庵外綠波平畫舫真如鏡裏行幾日春寒愁夜雨

今朝恰喜是新晴

紅蓼村

俗名烏
嚙村

頭旭日升桃花一簇暖雲蒸沿溪待放

漁郎棹應有仙源似武陵

茶嶼風清野草香登臨懷古意茫茫危峰突兀麒麟倒

誰向荒阡弔侍郎

陳黃門侍郎顧野王墓在山
南墓有大石云落星所化

擬把西湖比石湖水窗點筆倩倪迂傲他湖上丹青手

那有風帆入畫圖

連朝聽喚鶉鴝聲湖上春畦綠未耕料得今宵還有雨

郊臺一縷白雲生

行春橋影臥晴虹山似蓬壺浸碧空待到月明移短艇

恍疑身入水晶宮

春寒閉戶卽事書懷

春寒經月掩柴荆
冒絮蒙頭聽雨聲
行筆調心疑有癖
詠詩寫意不求名
傍身只要烏皮几
適口惟須骨董羹
擬約鄰翁來小飲
地鑪圍火話無生

閱性命圭旨書後

著有都成妄相觀
空誰是真吾莫言烏兔龍虎最忌騎
驢覓驢

念動漂流鬼國心
空却走魔軍但得牟尼常朗不勞篤
耨頻薰

身外有何金鼎腹
中好泊玉田仙人密諦一語收斂神

光默然

梵夾云空卽色道書言老復丁不作人間傀儡肯圖身後碑銘

過永定寺用壁間贈展靜長老舊作韻

海印堂前一盞茶卅年前此諷毘耶老僧去後餘詩在
病客重來坐日斜尙記古香吟綠萼虛教妙墨憶蓮華
禪門興替猶如此付與遊人一歎嗟

寺中方丈綠萼梅古幹盤擎花開極

盛今已摧折舊藏松雪翁妙法蓮華經墨蹟全部今亦無存矣

題周靜香畫冊

紅塵滾滾歎勞生坐對溪山寫性情滿鵲白雲滿湖水

此間風月有誰爭

地僻幽栖徑掩苔柴門經月不曾開河頭忽聽竹篙響
小艇何人送酒來

擬泛煙波覓釣徒溪藤先寫水村圖來朝便約元真子
簞笠蓑衣入太湖

黑雲垂幙竹鳴廊一雨虛堂十日涼潑墨淋漓揮散卓
錯疑人是米襄陽

一嶺荒寒仿范寬重岡飛棧入雲盤窗間倦客頭全白
猶記籠鞭立馬看

拈得筇枝探早梅意行隨處儘徘徊酸香觸鼻花無影

詩思忽從林罅來

園林春到雪全消已有暄風入柳條寄語山翁先瀹茗
便攜藤杖過溪橋

芒屨一徑白雲深何處胎仙下碧岑不是孤山林處士
肯將幽響和清吟

萬壑千巖一卷收向禽有願幾時酬祇應聘取荆關手
四壁圖來當臥遊

自題存山水真可樂未得長躋攀之句故云

四山風緊不飛鴉雪霽春寒一倍加凍合玉樓高閣裏
有人拈韻賦尖叉

共說頻年慶屢豐東皋極日水雲空誰將樂歲終身苦

繪入幽風圖畫中

靜香自題句云有田必種禾禾熟農應息誰知禾熟時農家反無食

清閭清風不可攀高松修竹亦彫殘閒來貌得蕭疏景
寄與枯僧娛歲寒

茅齋清絕對漁磯罷釣歸來不掩扉過客莫談城市事
道人心已久忘機

是香池上草萋萋留得雲煙待我題歎息風流前輩遠

空餘翰墨說花谿

是香池三字額爲俞君宣書今額猶存池上而屋已爲他姓所居矣末幅

自寫池上景也